

Truenorth Nordic ehf.
Fiskislóð 31a
101Reykjavík

Reykjavík, 15. júlí 2021
UST202107-115/G.G.
09.06.01

Efni: Leyfi fyrir ljósmynda- eða kvikmyndatöku á friðlýstum svæðum

Umhverfisstofnun hefur móttækið umsókn Marinós Sveinssonar fyrir hönd Truenorth Nordic ehf., dagsett 12.7.2021, um kvikmyndatöku við Krísvíkurbjarg innan Reykjanesfólkvangs.

Reykjanesfólkvangur er friðlýstur sem fólkvangur sbr. auglýsing nr. 520/1975. Jarðrask á svæðinu er óheimilt nema með leyfi Umhverfisstofnunar.

Samkvæmt 1. mgr. 31. gr. laga nr. 60/2013 um náttúruvernd er óheimilt að aka vélknúnum ökutækjum utan vega. Umhverfisstofnun er heimilt, ef nauðsyn krefur, að veita leyfi til þess að aka vélknúnum ökutækjum utan vega vegna kvikmyndagerðar, ef ekki er unnt að vinna viðkomandi störf á annan hátt, sbr. 3. ml. 2. mgr. 31. gr. laga nr. 60/2013, um náttúruvernd.

Lýsing verkefnis:

Sótt er um leyfi vegna kvikmyndagerðar við Krísvíkurbjarg þar sem fólk verður í mynd á og við bjargbrúnina. Ekki er gert ráð fyrir notkun dróna. Á milli 100 og 200 manns taka þátt í verkefninu og 30 til 40 bílar verða notaðir en þeir verða ekki allir við bjargið og munu ekki aka út fyrir vegi eða bílastæði. Hugsanlega þarf að flytja myndatökubúnað með léttatækjum utan vega. Áætlað er að myndatakan taki einn dag á tímabilinu 19. til 25. júlí 2021. Engin leikmynd verður sett upp. Takmarka þarf umferð almennings á meðan á tökum stendur og mögulega takmarka umferð bíla.

Áhrifamat:

Umhverfisstofnun metur umrætt verkefni leyfisskilt þar sem akstur utan vega er hluti þess. Létttæki verður ekið frá bílastæði að bjargi. Líklegt er að tækið skilji eftir sig för ef jarðvegur er blautur en að raskið verði afturkræft. Mikilvæg fuglasvæði á heimsvísu eru á svæðinu. Til að forðast neikvæð áhrif á náttúrufar skal nota létttæki, forðast bleytu og afmá för sem kunna að verða eftir akstur utan vega. Gera má ráð fyrir tímabundinni truflun fyrir gesti og skal þeim tilkynnt um verkefnið.

Skilyrði:

Umhverfisstofnun veitir True North Nordic ehf. fyrir sitt leyti leyfi fyrir kvikmyndatöku innan Reykjanesfólkvangs sbr. lýsingu hér að ofan á tímabilinu 19. til 25. júlí 2021 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.

- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Koma skal fyrir merkingum á tökustað um að leyfi fyrir verkefninu hafi fengist hjá Umhverfisstofnun.
- Einungis skal aka léttatækjum að og innan skilgreinds tökusvæðis. Afmá skal öll hjólför utan vega að tökum loknum.
- Vandað verði við frágang eftir að verki lýkur.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn.
- Kvikmyndatökuliðið skal sýna öðrum gestum svæðisins tillitssemi og tryggja að tökurnar valdi eins litlu ónæði og hægt er. Færri gestir heimsækja svæðið snemma morguns og síðdegis.
- Ef myndefnið er ætlað til birtingar opinberlega skal það tekið fram í myndbandinu/myndatexta að leyfi Umhverfisstofnunar hafi fengist fyrir kvikmyndatökunni innan hins friðlýsta svæðis.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.
- Losun ferðasalerna skal fara fram á viðurkenndum losunarstað utan hins friðlýsta svæðis.

Umhverfisstofnun bendir umsækjendum á að tilkynna stjórn Reykjanesfólkvangs um verkefnið þannig að fólkvangsvörður viti af því. Ef verkefnið hefur áhrif á umferð á vegum skal tilkynna það til lögreglu.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna. Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Leyfi landeigenda og/eða sveitarfélags gæti þurft fyrir verkefninu.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Leyfisgjald:

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um kvikmyndagerð og/eða ljósmyndatöku er kr. 52.600.- sbr. 24. gr. b. gjaldskrá Umhverfisstofnunar nr. 535/2015.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

René Biasone
sérfræðingur

Guðbjörg Gunnarsdóttir
sérfræðingur